

ESTATUTA FORUM ONG TIMOR-LESTE

PREFASIU

Formasaun Organizasaun Naun-Governamental (ONG) iha Timor-Leste hahú la'ó iha periodu 1980s, foka liu atu suporta emerjénsia prátiku ba ema sira ne'ebe presiza liu. Hahú iha periodu 1990s, ONGs balun komesa atu inklui-an ona iha dezenvolvimentu komunitária, advokasia, no direitus Umanus nudar programa importante ba sira-nia serbisu.

Bainhira okupasaun Indonésia besik atu remata iha Timor-Leste, iha 1998 ONG sanulu resin ha'at ne'ebe kompostu hosi; Yayasan Timor Aid, Yayasan Hope, Yayasan Kasimo, Kuskopoit Hanai Malu, Puslauwita, Yayasan Ledavo, Yayasan Halarae, Yayasan Bia Hula, Yayasan Etadep, Yayasan Hak, Bina Swadaya Tim-Tim, YBSL, Fokupers dan USC-Canada ne'ebe hamutuk hodi harii Forum Lembaga Swadaya Masyarakat Timor-Timur (FLSM-TT) iha dia 02 Juñu 1998 liu hosi sorumutuk membru ONG sira ne'ebe temi iha alinea anterior.

Hafoin Timor-Leste referendum, iha tinan 2000 ho prezensa Nasaun Unidas, Forum nee hamoris fila fali husi membru ONG Fundadores sira ne'ebe hetan faseleta husi UN-OCHA (Office Coordinating Humanitarian Agency) no Oxfam Australia, ho naran NGO Forum. No ikus mai halo transformada naran ba Forum ONG Timor-Leste (FONGTIL) liu husi Enkontru Jeral Membru FONGTIL iha dia 25 Abril 2009 no papel importante FONGTIL nia iha tempu ne'eba mak hanesan dezenvolvimentu komunitária, advokasia, no direitu humanu mak sai programa sentral ba serbisu FONGTIL nian.

FONGTIL hetan legalidade Juridika husi Ministeru Justisa iha Dirasaun Nasional Rejistu Notariadu (DNRN) nudar asosiasaun ho numeru registu 19/DNRN-MJ/XII/2012 tuir Dekretu Lei no 5/2005.

ta

KAPITULU I
PRINSIPIU JERAL

Artigu I

Naran

- 1.1 Naran organizasaun mak Forum ONG Timor-Leste ka The Timor Leste NGO Forum ne'ebe habadak FONGTIL.
- 1.2 Sede FONGTIL iha Caicoli-Rumbia, Rua do Mercado Municipal, Dili-Timor-Leste. Sede FONGTIL mos sei iha filial seluk iha rejiaun ka Munisipiu sira ne'ebe bele konsidera bainhira presiza hosi tempu ba tempu.
- 1.3 FONGTIL harii iha dia 02 Juñu 1998, husi ONG sanulu resin haat (14) ne'ebe temi ona iha Prefasiu.
- 1.4 Emblema ofisiál FONGTIL nian mak imajen uma tradisionál iha mapa Timor-Leste ne'ebe ho kór matak nia leten, hatu'ur iha modelu sirklu nia laran ho liafuan hakerek ho kór mean "Forum ONG Timor-Leste". Emblema nia signifíkasaun mak hanesan tuir mai ne'e:
 - (a) Uma tradisionál representa identidade no unidade organizasaun naun-govermentál sira iha Timor-Leste laran tomak;
 - (b) Mapa Timor-Leste representa teritóriu ita nia nasaun, no kór matak simboliza ita nia rekursus naturais no rai bokur ne'ebe lori esperansa ba futuru povu Timor-Leste;
 - (c) Naran FONGTIL ne'ebe haleu uma tradisionál no mapa Timor-Leste representa unidade sidadaun tomak no importansia sosiedade sivil ida ne'ebe forte no unidu. Naran FONGTIL hakerek iha kór mean simboliza forsa no barani povu Timorensen nia luta hodi kria sosiedade ne'ebe diak no justu.

Artigu 2

NATUREZA FONGTIL

- 2.1 FONGTIL hanesan organizasaun sumbrinha naun-governmentál nasionál ida ho natureza nudar Asosiasaun ho nia personalidade juridika bazeia ba Decreto Lei no.5/2005,3 de Agustu konaba Orgaun Korporativo sira nebe la hetan lukru, bazeia ba membru sira ne'ebe kompostu hosi organizasaun naun-governmentál sira (ONGs) Lokál, Nasionál, no Internasionál iha Timor-Leste laran tomak, no fiár iha vizaun, misaun, prinsípius no objetivu FONGTIL nian.
- 2.2 FONGTIL nudar organizasaun naun-profit (la buka lukru) signifika katak nia la foka ba aktividade komersiál. Individu sira iha FONGTIL ka iha organizasaun membru permanente sira ka kandidatu ne'ebe inklui membru Konselu Fiskal sira, Diretor/a ka sekretariadu la bele simu pesoalmente rendimentu finansiál direita hosi rezultadu atividades ONG, maibe la inklui pagamentu tuir kontratu empregu ka regulamentu internál.
- 2.3 FONGTIL nudar organizasaun naun-partisan signifika katak nia la afilia ho kualkér partidu polítiku, no tenke la bele hala'ó atividades ne'ebe suporta ka hodi naran partidu polítiku. Individuais iha FONGTIL ka organizasaun membru permanente sira ka kandidatu, inklui membru Konselu Fiskal sira, Diretor/a Ezekutivu ka funsionariu, la bele mos kaer pozisaun, simu rendimentu ruma, iha estruktura partidu polítiku, governu ka orgaun soberanu seluk.
- 2.4 FONGTIL nudar organizasaun naun-sektarian signifika katak nia la suporta direita ka intereses ba relijiaun ka grupu ema ida liu fali intereses ba relijiaun seluk ka grupu ema seluk nian.
- 2.5 Regras ba artigo 2 pontu 2.2, 2.3 no 2.4 define iha kodigu konduta.

Eh...

Artigu 3

MANDATU

- 3.1 FONGTIL nudar organizasaun bazeia ba organizasaun membru sira. Se la'os hanesan ne'e bainhira Estatuta hateten seluk, desizaun relasiona politikas no programas FONGTIL nian, sempre posivel no praktikavel, realiza hafoin konsultasaun ho organizasaun membru sira.
- 3.2 FONGTIL hala'o nia actividades atu atinji objetivu, ka atu suporta organizasaun membru bazeia ba mandatu ne'ebe decide husi Membru Organizasaun iha Enkontru jeral membru nian.
- 3.3 Mandatu FONGTIL sei la ses husi Deziminasau Informasaun, Kordenasaun, Hakbiit Kapasidade Membru no Advokasia.
- 3.4 Membru FONGTIL bele propoin mandatu sira seluk liu husi Enkontru jeral membru ou Extra-Ordinariu ba situasaun spesifiku ruma.

Artigu 4

VIZAUN

- 4.1 Vizaun FONGTIL nian mak:

Timor Leste nasaun ida ne'ebe dezvoltidu, ho prosperu no livre hosi eksplorasau, diskriminasaun no korupsan, no kaer-metin Prinsipius honestidade, justisa no demokrasia, iha ne'ebe sidadaun hotu hetan suporta hosi sosiedade sivil ida ne'ebe mak forte no independente.

Artigu 5

MISAUN

- 5.1 Misaun FONGTIL nian mak atu serbisu hamutuk ho, no mos atu suporta, organizasaun membru sira hodi:

x

- (a) Promove no hala'o advokasia ba setór hotu atu hetan prosperiedade no interese sidadaun Timor-Leste tomak;
- (b) Buka hodi asegura povu Timor-Leste ne'ebe mak livre hosi kualkér formas injustisa, inklui mos ki'ak, eksplorasau no diskriminasaun, no iha oportunidade atu partisipa ho nakloke no livre iha prosesu halo desizaun polítika no demokrátiku;
- (c) Suporta no hametin setór ONG atu sai lian ne'ebe efektivu ba sidadaun Timor-Leste tomak, liu-liu povu ne'ebe mak vulnerável liu iha ita nia comunidade.

Artigu 6

PRINSÍPIUS

6.1 Serbisu FONGTIL nian bazeia ba prinsípius tuir mai:

- (a) Ema hotu hanesan, respeita no valoriza tuir prinsípius direitus Umanus.
- (b) Sentrá ba dezenvolvimentu iha Timor-Leste mak saúde, prosperiedade ekonómiku, sosiál no kulturál ba sidadaun hotu, liu-liu ema ne'ebe vulnerável liu no dezvantajen liu iha ita nia comunidade.
- (c) Vítima violasaun direitus Umanus iha tempu pasadu no prezente tenke hetan direitu ba justisa.
- (d) Sidadaun hotu iha direitu atu partisipa iha prosesu foti desizaun polítika no demokrátiku, no desizaun ne'ebe afeita povu Timor-Leste tenke halo tuir prinsípius naun-violénsia, naun-diskriminasaun no naun-eksplorasau, transparénsia no akauntabilidade.
- (e) Labele iha formas diskriminasaun ba kualkér razaun, ka tamba seksu, status marítal, fiár relijiozu, fiar étiku, kór, rasa, oríjin étniku no nasonalidade, disabilidade, idade, opiniaun polítiku, status empregu, status família, tenke elimina

[Handwritten signature]

hodi fo lisensa ba sidadaun hotu ne'ebe senti hanesan parte ida hosi comunidade no atu partisipa ho másimu iha comunidade nia le'et.

- (f) Sosiedade sivil ne'ebe forte no efektivu mak parte esensial no lejítimu ba sistema governu ne'ebe demokrátiku, no atu váloriza no hametin setór sosiedade sivil ne'e, importante atu asegura katak sidadaun hotu iha oportunidade atu partisipa másimu iha prosesu halo desizaun demokrátiku iha nasaun Timor-Leste.

Artigu 7

OBJETIVU

7.1 Objetivu FONGTIL nian mak atu kontribui ba esforsu sira hodi asegura :

- (a) Nasaun Timor-Leste hanesan sosiedade ida ne'ebe diak no justu ne'ebe respeita prinsípius direitus Umanus, Konstituisaun no lei sira;
- (b) Saúde no prosperiedade ba sidadaun tomak no halakon ki'ak;
- (c) Asesu tomak ba edukasaun ho kualidade diak ne'ebe livre ba sidadaun tomak;
- (d) Konservasaun, uza no distribuisaun ne'ebe diak ba rikusoin Timor-Leste, no halakon korupsaun iha governu, sosiedade sivil no comunidade tomak.

7.2 FONGTIL buka atu atinji nia objetivu, tuir prinsípiu sira iha leten, liu hosi:

- (a) Hala'o monitorizasaun no kontribui ba peskiza no polítika governu hodi asegura lejislasaun, políticas no suporta práttikas no kontribui ba rezultadu ne'ebe pozitivu ba povu Timor-Leste;
- (b) Koália hasoru proposta lei no lei sira ne'ebe iha, polítika no práttika sira governu nian ne'ebe fo impaktu negativu ba direitu sidadaun tomak;
- (c) Hala'o no kontribui ba peskiza seluk ba asuntos ne'ebe fo impaktu ba saúde, prosperiedade no edukasaun ba sidadaun tomak, inklui dezvoltimentu ba

polítika, estratejia no rekomendasaun sira ne'ebe atu hadia povu nia moris , liu-liu ba ema ne'ebe vulnerável liu iha ita nia comunidade;

- (d) Promove konsiénsia públiku konaba importánsia hari'i Timor-Leste ne'ebe diak no justu;
- (e) Fornese informasaun, programas treinamentu no edukasaun, no promove actividades no inisiativas ne'ebe dezenvolve no suporta organizasaun membrus FONGTIL sira nia kapasidade serbisu;
- (f) Dezenvolve ligasaun ho organizasaun sira nasionál no internasionál ne'ebe iha objetivu hanesan ho FONGTIL nian;
- (g) Dizemina informasaun konaba asuntu ne'ebe fo impaktu negativu ba povu Timor-Leste nia moris atu nune'e sidadaun tomak hetan oportunidade hodi tulun kontribui ba hari'i no dezenvolve nasaun Timor-Leste ne'ebe diak no justu;
- (h) Realiza actividades seluk ne'ebe bele atinji vizaun, misaun ka objetivu FONGTIL nian hanesan hakerek iha Estatuta ne'e.

KAPITULU II

ORGAUN KOLETIVAS KONSELU FISKAL

Artigu 8

KOMPETENSIA

- 8.1 Atu atinji objetivu iha leten, FONGTIL liu hosi nia Konselu Fiskal , sei iha kompeténsia tuir mai ne'e:
- (a) Atu sosa, arenda, aluga ka hodi kualkér meius legal ho maneira atu hetan rai, edifisiu no propriedade ka rikusoin seluk;
 - (b) Atu fa'an, husik, fo aluga ka, ho maneira seluk, atu soe ka maneza propiedades ka rikusoin sira ne'ebe FONGTIL nian;

ki

- (c) Atu hari'i, mantein ka muda edificiu ka propriedade ruma;
 - (d) Atu buka fundus ka investe osan ne'ebe presiza, ba kondisaun sira ne'e, so bele bainhira apropriadu;
 - (e) Atu hahú, remata ka hanaruk kontraktu ka akordu ruma kona-ba programa ka mandatu FONGTIL nian ho departamentu governu, ajénsia, organizasaun Laos governu, korporasaun ka órgaun seluk ruma;
 - (f) Atu emprega Diretor/a Ezekutivu FONGTIL liu hosi prosesu rekrutamentu ne'ebe justu no nakloke, no tuir avaliasaun ba lala'ok serbisu relasiona politika no programas FONGTIL nian, atu hapara ka hanaruk nia kontraktu empregu;
 - (g) Atu kria regulamentus, polítikas ka prosedimentus hodi faselita no asiste operasaun FONGTIL nian, tuir Estatuta hakerek; ho kondisaun katak regulamentus, polítikas ka prosedimentus ne'ebe la afeta direita ba interesas membru sira nian hodi hetan aprovasaun, ka bainhira hala'o ona, ratifika hosi membru sira iha Enkontru Jerál Tinan-tinan ka Enkontru Jerál Estraordináriu;
 - (h) Atu hala'o serbisu ruma ne'ebe sei atinji objetivu FONGTIL nian ne'ebe hakerek iha Estatuta ne'e.
- 8.2 Konselu Fiskal FONGTIL bele delega kna'ar relasiona kompeténsias ne'ebe hatu'ur ona iha Artigu 8.1 ho nia funsaun ka papél Konselu Fiskal ruma, ba Diretor/a Ezekutivu ka sub-Ordinadu ida ne'ebe kompostu hosi membru Konselu Fiskal sira, bainhira presiza hosi tempu ba tempu. Konselu Fiskal sei delega ba Diretor/a Ezekutivu hodi emprega no halo supervizaun lo-loron ba funsionariu sekretariadu FONGTIL nian.
- 8.3 Delegasaun ruma ne'ebe kria tuir Artigu 8.2 sei fo kompeténsia ba Diretor/a Ezekutivu atu foti desizaun lo-loron hotu, inklui atu kria regulamentus, polítikas ka prosedimentus internál, relasiona asuntu ne'ebe delega, maibe la inklui foti mesak desizaun konaba

dezenvolve política foun. Maibe delegasaun la hasai Konselu Fiskal nia responsabilidade jerál ba kna'ar, kompeténsia, papél ka funsaun ne'ebe delega, no delegasaun ne'e rasik tenke servi duni ba sirkunstansia, relasiona mos ho rekizitus tuir Estatuta ne'e.

Artigu 9

GOVERNASAUN

- 9.1 FONGTIL ukun hosi Ogaun governante ida ne'ebe refere nudar Konsellu.
- 9.2 Orgaun Konselu Fiskal FONGTIL nian kompostu husi ema nain hitu (7) ne'ebé hetan eléitu liu hosi Enkontru jeral membru FONGTIL nian.
- 9.3 Konselu Fiskal sei konvoka Enkontru Jerál Tinan-tinan atu hatu'ó relatoriu ba no simu direasaun hosi organizasaun membru sira FONGTIL nian.
- 9.4 Kada Tinan lima halao Enkontru Jeral Membru nian ho periudu ida nia mandatu.
- 9.5 Konselu Fiskal tenke kompostu hosi individu sira ne'ebe nudar representantes autorizadu hosi organizasaun membru permanente sira FONGTIL nian.
- 9.6 Objetivu membru Konselu Fiskal mak atu faselita actividades hodi tulun atinji objetivu FONGTIL nian, no reprezenta organizasaun membru sira FONGTIL nian.
- 9.7 Enkontru regular Konselu Fiskal halao kada fulan tolu (3) esepu enkontru extra-ordinario tuir nesiedade.
- 9.8 Kada tinan lima (5) Konselu Fiskal konvoka Enkontru jeral membru (EJM).
- 9.9 Membru Konselu Fiskal sira sei hili iha Enkontru jeral membru ho mandatu ba tinan lima.
- 9.10 Membru Konselu Fiskal sira ne'ebe resigna an bele eleito fali Membru Konselu Fiskal foun iha Enkontru Jeral Kada tinan ka extraordinariu hodi kompleta ba mandatu tinan lima nian.
- 9.11 Bainhira Prezidente Konselu Fiskal ka kompozisaun estrutura ruma mak resigna an antes nia mandatu remata, Vise Prezidente ka tuir numeru kompozisaun estrutura mak sei



asume kargu to' o mandatu Konselu Fiskal remata, bainhira membru Konselu Fiskal la priense ona kuorum durante fulan 6 nia laran Konselu Fiskal interinu konvoka Enkontru extra ordinario ou anual hodi hili representante membru FONGTIL nian atu bele substitui to' o mandatu remata ka bele aplika artigu 9 pontu 16 ba presidente no vice Prezidente nia fatin ne' ebe mamuk.

- 9.12 Bainhira membru Konselu ruma mak rezigna-an hosi kompozisaun Konselu atual sei la fo oportunidade ba konselu refere atu kandidata an fila fali ba membru kandidatu foun ba periudu tolu ka tinan 15 tui-tuir malu.
- 9.13. Quorum ba enkontru Konselu Fiskal mak hamutuk ema nain haat (4).
- 9.14. Diretor/a Ezekutivu ho nia estrutura sei la iha dereitu atu vota no la forma parte hosi kuorum.
- 9.15. Konselu Fiskal hato' o relatóriu regulár ba organizaasaun membru sira atu ajuda organizaasaun membru sira hodi akompania serbisu FONGTIL nian no hatu' ur diresaun ba futuro.
- 9.16. Prezidente no Vise Prezidente sei hili liu hosi votasaun segredu iha Enkontru Jerál Tinan-tinan. Votasaun segredu ne' e sei iha deit se karik pozisaun ida hosi Prezidente ka Vise Prezidente sai mamuk.
- 9.17. Pozisaun Sekretariu/a no Tesoureiru/a sei difini tuir numeru votus hosi Enkontru jeral membru.
- 9.18. Desizaun Konselu Fiskal tenke ho votu maioria hosi membru Konselu Fiskal sira ne' ebe marka prezensa iha enkontru, no bainhira iha votu ne' ebe equal, presidente Konselu Fiskal sei votu desizivu (dala rua) tuir artigu 19.2.
- 9.19 Kompozisaun Membru tenke inklui pozisaun ba fetu nain rua (2).

- 9.20 Organizasaun membru ONG internasionál iha dereitu atu nomeia representantes ba pozisaun membru Konselu Fiskal másimu nain rua (2).
- 9.21. Atu garante konsisténsia no continuidade ba funsionamentu Konselu Fiskal nia servisu, FONGTIL sei mantein membru Konselu Fiskal anterior nain rua (2) ba periodu Konselu Fiskal atual.
- 9.22 Kompozisaun Membru Konselu Fiskal. Tenke fahe tuir kada rejiaun; membru Konselu Fiskal nain ida (1) representa kada rejiaun (Leste, Oeste no Sentral) no rejiaun Dili tenke representa hosi membru Konselu Fiskal nain haat (4). Kada rejiaun kompostu hosi organizasaun membru sira hosi Munisipiu hanesan tuir mai:
- (a) Rejiaun Leste: *Baucau, Lautem, Manatutu, Viqueque;*
 - (b) Rejiaun Oeste: *Bobonaro, Emera, Likisa, Oecusse;*
 - (c) Rejiaun Sentral: *Aileu, Ainaro, Cova-Lima, Manufahi*
 - (d) - Rejiaun Dili: Dili.
- 9.23 Prosedimentu atu hili kandidatu ba membru Konselu Fiskal no representantes hosi kada rejiaun mak hanesan tuir mai:
- (a) Kada rejiaun sei halao konsultasan ba malu hodi nomeia sira nia kandidatura ba membru Konselu Fiskal liu hosi konsensus hamutuk hodi aprezena lista kandidatura ba Presidente meja.
 - (b) Organizasaun membru sira bele nomea kualkér número kandidatu sira atu representa sira-nia rejiaun iha Konselu Fiskal, maibe entre kandidatu sira ne'ebe hetan nomeasaun, so kandidatu nain haat (4) deit mak sei hili ba pozisaun rejiaun Dili nian, no mos kandidatu mai hosi kada rejiaun ema nain ida deit ne'ebe mai hosi rejiaun 3 hamutuk ema nain 3 mak sei hili ba pozisaun ba kada rejiaun tolu (3) seluk.

- (c) Se kandidatu haat deit (4) hetan nomeasaun ba pozisaun Konselu Fiskal ba rejiaun Dili, kandidatu ne'e sei sai nudar representante membru Konselu Fiskal ba rejiaun Dili, bainhira sira hetan aprovasaun hosi maioria representante membru sira mak marka prezensa iha Enkontru Jerál Membru.
- (d) Se kandidatu lima (5) ka liu ne'ebe nomea ba pozisaun Konselu Fiskal iha Enkontru Jerál Membru ,maibe kandidatu haat (4) ne'ebe hetan votus barak liu mak sei sai nudar representante membru Konselu Fiskal ba rejiaun Dili.
- (e) Se kandidatu tolu deit (3) mak nomea mai hosi kada rejiaun ema ida ba pozisaun Konselu Fiskal ruma hosi rejiaun tolu (3) seluk, kandidatu ne'e sei sai nudar representante membru Konselu Fiskal ba rejiaun ne'e, bainhira nia hetan aprovasaun hosi votus maioria representante membru sira mak marka prezensa iha Enkontru Jerál Membru.
- (f) Se kandidatu rua (2) ka liu nomea ba pozisaun Konselu Fiskal ruma ba rejiaun ida hosi rejiaun tolu (3) seluk, iha Enkontru Jerál Membru nian,maibe kandidatu ne'ebe hetan votus barak liu mak sei sai nudar representante membru Konselu Fiskal ba rejiaun ne'e.
- (g) Bainhira kandidatu sira mak la suficiente ne'ebe nomea ba pozisaun mamuk iha rejiaun ruma, pozisaun sira ne'e sei hakonu liu hosi métodu ne'ebe determina iha Enkontru Jerál Membru nian, ka desizaun ne'e la konsege foti, entaun membru Konselu Fiskal sira ne'ebe eleitu sei uza nia kompeténsia atu hili membru temporáriu hodi halao knar tuir artigu 9.24.

9.24 Nomeasaun tomak ba Konselu Fiskal tenke konfirma hanesan nomeasaun ne'ebe validu ba iha Enkontru Jerál tinan-tinan molok hahu votasaun.

- 9.25 Konselu Fiskal bele hili kualkér representante hosi organizasaun membru atu sai nudar membru Konselu Fiskal temporáriu ba pozisaun ida ne'ebe mamuk. Desizaun ida atu hili membru Konselu Fiskal temporariu tenke foti hosi maioria membru sira ne'ebe iha. Membru ne'ebe hili temporariu sei hola pozisaun ne'e to'o Enkontru Jerál Tinan-tinan tuir mai bainhira pozisaun ne'e sei mamuk.
- 9.26 Bele hala'ó kanselamentu ba membru Konselu Fiskal no bele hili membru Konselu Fiskal foun ida iha Enkontru Jerál Estraordináriu ne'ebe konvoka ba objetivu refere. Kanselamentu ba membru Konselu Fiskal bele mos hala'ó iha Enkontru Jerál Tinan-tinan.
- 9.27 Bainhira membru Konselu Fiskal ida mak la marka prezensa ba dala-tolu tuir tuir malu iha enkontru Konselu Fiskal, Presidente Konselu Fiskal sei konsulta ho membru Konselu Fiskal sira seluk hodi hasai membru Konselu Fiskal refere.
- 9.28 Membru Konselu Fiskal ruma bele resigna-an liu hosi karta resignasaun formál ba Prezidente ka Sekretáriu/a mínimu fulan ida (1) molok nia hapara halo serbisu nudar membru Konselu Fiskal.
- 9.29 Kada Membru Konselu Fiskal FONGTIL bele halao nia mandatu ho periodu dala rua (2) deit.
- 9.30. Diretor/a Organizasaun membru, membru Konselu Fiskal no Diretor Ezekutivu FONGTIL proibidu involve iha estrutura partidu politika ruma, bainhira sei asume kargu iha Organizasaun ne'ebe regula iha kodigu Konduta tuir artigu 2 pontu 2.2, 2.3 no 2.4.
- 9.31. Membru Konselu Fiskal eleitu ema nain hitu mak sei hili hodi tau matan ba lalao politika, manajementu no orsamentu FONGTIL nian liu hosi Enkontru jeral membru nian ba periodu ida ka tinan lima (5).
- 9.32. Kompozisaun Estrutura Membru Konselu Fiskal hamutuk ema nain hitu (7) ne'ebe kompostu hosi Presidente, Vice Presidente, Sekretariu ho nia membru nain hat (4).

9.33. Membru Konselu Fiskal ho nia kompetensia Komplementariu tuir artigu 8.1 mak hanesan tuir mai :

- a) Nomeia auditor ne'ebe iha kredibilidade atu halao audit ba orsamentu FONGTIL ba tinan-tinan.
- b) Halao fiskalizasaun no verfika dokumentus ne'ebe liga ho orsamentu FONGTIL.
- c) Monitoriza aset FONGTIL ho regularmente.
- d) Fo Konselu ba director/a konaba jestaun orsamentu FONGTIL nian.
- e) Hato'o relatoriu no paraser konaba Jestaun orsamentu FONGTIL kada Enkontru Annual, Enkontru jeral membru no Extra-ordinariu.
- f) Kria Politika, regulamentu ka prosedura ne'ebe seidauk difini iha FONGTIL nian operasaun.

Artigu 10

PAPÉL NO FUNSAUN MEMBRU KONSELU FISKAL SIRA

10.1 Prezidente Konselu Fiskal nia papél mak atu:

- (a) Konvoka no prezidi enkontrus Konselu Fiskal nian,
- (b) Monitoriza no supervizaun funsionamentu sekretariadu FONGTIL.
- (c) Fo apoio tekniku ba diretor/a ezekutivu hodi implementa mandatu ne'ebe aprovalu iha Enkontru jeral membru.
- (d) Konvoka no preside Enkontru Jerál tinan-tinan, Enkontru Jeral Membru no Enkontru Jerál Estraordináriu no apresenta relatóriu konaba atividades Konselu Fiskal no sekretariadu FONGTIL nian ba organizasaun membru sira;
- (e) Bainhira mandatu remata membru Konselu ho nia sub-ordinadu sira halo relatoriu atinjimentu ne'ebe bazeia ba matriksiu planeamentu programa ba konselu foun no

membro asociadu sira liu hosi Enkontru Jeral Membru, Enkontru Jeral Tinan tinan no enkontru jeral extra-ordinariu.

Membro Konselu Fiskal halao rekrutamentu no hapara Direitur Ezekutivu liu hosi avaliasaun desemeinu.

- (f) Representa FONGTIL iha eventu nivel Nasional, Rejional no Internasional
- (g) Hamutuk ho Konselu Fiskal no Sekretariadu FONGTIL hodi buka fundus ba nesesidade FONGTIL.
- (h) Halao komunikasaun regular ho Konselu Fiskal hodi rona ideas, sujestaun konaba Jestaun orsamentu FONGTIL.
- (i) FONGTIL asegura katak sei lao tuir lei sira ne'ebe vigor iha Timor-Leste.

10.2. Vice-Prezidente Konselu Fiskal nia papél mak atu :

- a. Hala'o papel Prezidente Konselu Fiskal nian, bainhira Prezidente Konselu Fiskal la disponivel.
- b. Aijuda prezidente Konselu fiskal ho nia kompozisaun estrutura tomak ne'ebe faselita hosi Ezekutivu hodi determina padraun operacional prosedura (POP) ka politika, Regulamentu no prosedimentu sira seluk ne'ebe seidak iha.

10.3. Sekretáriu/a nia papél mak atu:

- (a) Halo minutas enkontrus no fornese minutas ne'e ba membro Konselu Fiskal sira no Direitor/a Ezekutivu;
- (b) Simu, responde no rai arkivu korespondénsia, ne'ebe Konselu Fiskal presiza;
- (c) Hal'o relatóriu actividades atu apresenta ba organizasaun membru sira;
- (d) Responsável ba uza Karimbu FONGTIL nian;
- (e) Asegura sekretariadu FONGTIL rai registrasaun ne'ebe los ba dokumentu organizasaun membru sira;

- (f) Asegura sekretariadu FONGTIL rai arkivu, Karimbu no dokumentus FONGTIL nian.

10.4 Tezoureiru/a nia papél mak atu:

- (a) Fornese relatóriu finanseiru, deklarasaun kontas no operasaun orsamentu, ba Enkontru Jerál Tinan-tinan, ka iha enkontru ruma seluk bainhira Konselu Fiskal presiza;
- (b) Hatutan FONGTIL nia deklarasaun finanseiru ba auditór independente ida ne'ebe hetan aprovasaun hosi Enkontru Jerál Tinan-tinan, no asegura asaun hodi hatan ba rekomendasaun sira ne'ebe auditór bele halo;
- (c) Asegura sekretariadu FONGTIL maneja lolos fundus hotu ne'ebe FONGTIL simu no uza;
- (d) Asegura sekretariadu FONGTIL maneja kontas bankaria FONGTIL nian;
- (e) Asegura sekretariadu FONGTIL kuidadu ho lós arkivu ne'ebe la'ó hela no ho ezatu pozisaun finanseiru FONGTIL nian.
- (f) Hamutuk ho Presidente Konselu Fiskal halao kontaktu regular ho Konselu Fiskal konaba Jestaun orsamentu FONGTIL.

10.5 Membru Konselu Fiskal sira seluk nia papél mak atu:

- (a) Partísipa iha enkontru no atividades Konselu Fiskal, inklui Enkontru Jerál Membru, Enkontru Jeral Tinan-tinan no Enkontru Jerál Estraordináriu;
- (b) Ajuda Prezidente, Vise-Prezidente, Sekretáriu/a no Tesoreiru/a atu halo sira nia papél no atu asiste realiza funsaun Konselu Fiskal seluk inklui sira ne'ebe hakerek iha Artigu II.6 no, bainhira presiza, representa Konselu Fiskal iha eventu ruma iha nivel Nasional, Rejional no Internasional.

- (c) Halao enkontru ho membru organizasaun iha kada rejiaun hodi rona ideas no sujestaun hodi aseguira sira nia partisipasaun no interese iha FONGTIL.

10.6 Funksaun Konselu Fiskal mak atu:

- (a) Inisia politika no foti desizaun konaba actividades FONGTIL nian;
- (b) Hala'o politika ne'ebe hatu'ur ona iha Enkontru Jerál Tinan-tinan ka iha Enkontru Jerál Estraordináriu;
- (c) Reprezenta organizasaun membru FONGTIL tomak;
- (d) Hala'o avaliasaun anual ne'ebe justu no nakloke ba lala'ok servisu Diretor/a Ezekutivu no funsionariu tekniku sira nian, tuir objetivu, politikas no programas FONGTIL nian,
- (e) Delega kna'ar relasiona kompeténsias ne'ebe hatu'ur ona iha Artigu 8.1 ka papél ka funsaun Konselu Fiskal ruma ba Diretor/a Ezekutivu, ka sub-ordinadu ida, bainhira presiza.
- (f) Hala'o actividades seluk ruma ne'ebe dezenvolve objetivu FONGTIL nian, tuir Estatuta hakerek.

KAPITULU III

DIFINISAUN MEMBRU SIRA

Artigu 11

MEMBRU

11.1. FONGTIL nudar organizasaun ne'ebe bazeia ba membru ne'ebe kompostu deit hosi organizasaun sira naun-governamentál (ONG) lokál, nasionál ka internasionál ne'ebe membru FONGTIL nian, no la inklui individu sira.

11.2. Difinisaun Katégoria Membru ONGs mak :

x

- a. ONG Lokal mak Orgaun Korporativu ka ONG ne'ebe halao nia operasaun programa serbisu iha Munisipiu ida deit.
 - b. ONG Nasional mak Orgaun korporativu ka ONG ne'ebe halao nia operasaun programa serbisu iha Munisipiu rua ka liu.
 - c. *ONG Internasional mak Orgaun korporativu ka ONG ne'ebe nia sede Prinsipal hela iha estranjeiru no hatudu nia provas legal kona ba ezistensia iha rai orijin nudar orgaun Korporativu Estranjeiru ne'ebe halao ninia knar iha Timor Leste.*
- 11.3 Sai nudar membru permanente FONGTIL nian, sei bele aprova deit iha Enkontru Jerál Tinan-tinan, Enkontru jeral membru ka Enkontru Estraordináriu, no sei hala'o liu hosi votu maioria hosi reprezentante membru sira ne'ebe marka prezensa.
- 11.4 Ba organizasaun ida atu sai nudar membru permanente, tenki hetan aprovasaun nudar membru kandidatu FONGTIL nian, organizasaun ne'e tenke:
- (a) - Aseita nudar organizasaun naun-governamentál ida, ne'ebe kualifika atu sai nudar membru FONGTIL nian;
 - (b) Hola parte iha komitmentu FONGTIL nian ba Timor-Leste ne'ebe diak no justu;
 - (c) Iha komitmentu ba vizaun, misaun, prinsípius no objetivu FONGTIL nian, no tenke hala'o nia actividades hotu tuir prinsípius naun-profit (la buka lukru), naun-partisan no naun-sektarian;
 - (d) Aseita no mos tuir regulamentus, rekizitus no kódigu étiku sira ne'ebe Konselu Fiskal aprova, ka aprova iha Enkontru Jerál Tinan-tinan ka Enkontru Jeral membru ka Enkontru Jerál Estraordináriu;
 - (e) Kopera serbisu hamutuk organizasaun membru sira seluk, bainhira membru ONGs Internasionál serbisu parseiru ho ONGs Nasionál no lokál, no membru ONGs nasionál bele serbisu parseiru ho ONGs lokál.

✓

- (f) *Membru ONG* Tenke selu quota nudar membru FONGTIL kada tinan bazeia ba resolusaun ne'ebe aprovalu iha Enkontru Jeral Tinan-tinan, Enkontru jeral membru ka Enkontru Ekstra Ordinariu tuir artigu 11.11.
- (j) Membru organizasaun FONGTIL la kumpri nia devér ne'ebe mensiona iha pontu f,sei hetan sansaun administrativu. Regras ba sansaun administrativu ne'e sei estabelese liu hosi politika no Regulamentu husi Konselu Fiskal FONGTIL nian.
- 11.5 FONGTIL bele kria regulamentu, politika ka prosedimentu sira hodi determina se organizasaun ida priense kriteria ne'ebe hatu'ur iha Artigu 11.4
- 11.6 Bainhira FONGTIL determina katak organizasaun ida la priense kriteria ne'ebe hatu'ur iha 11.4, ka hala'o asaun ho maneira ne'ebe prezudika FONGTIL, organizasaun refere sei hasai nudar membru permanente ka kandidatu FONGTIL nian.
- 11.7 FONGTIL bele kria regulamentus, politikas ka prosedimentus ho objetivu atu:
- (a) Determina membru ONG Lokal, Nasional no Internasional ne'ebe la ativu ona ho rekeztos sistema operacional administrasaun, programa no atividades ne'ebe la lao ona liu hosi pesoal ne'ebe Sekretariadu nomeia hodi verifika ho razaun ne'ebe profunda no justifikadu hosi pioneiru sira ne'ebe sinkroniza tuir artigu 11.d.
- (b) Determina bainhira organizasaun membru ida hasai ona nudar membru permanente ka kandidatu FONGTIL nian;
- (c) Fornese matadalan atu resolve disputas konaba atu sai membru, inklui buka solusaun oi-oin atu fo dalan ba organizasaun ida hodi kumpri fali ho kriteria sai membru;
- (d) Determina asaun ruma, se karik iha, hanesan hasai membru permanente ka kandidatu, fo sansaun sira ka asaun seluk, ne'ebe FONGTIL bele foti hasoru organizasaun membru permanente ka kandidatu FONGTIL nian ida ne'ebe faila kumpri kriteria nudar membru;

- (e) Hatu'ur prosedimentus hodi hala'o petisaun/rekursus hasoru desizaun konaba fo sansaun ka hasai ona organizasaun nudar membru permanente ka kandidatu FONGTIL nian.
- 11.8 Kualkér desizaun ba organizasaun ida atu la bele sai nudar membru FONGTIL nian, ka hasai ona nudar membru permanente ka kandidatu FONGTIL nian, so bele foti hosi Konselu Fiskal deit, ho kondisaun katak:
- (a). Konselu Fiskal fo hatene ba organizasaun refere konaba desizaun ne'ebe aprezena ona ho razaun ne'ebe relasiona ho desizaun refere;
 - (b). Konselu Fiskal tenke fo oportunidade ba organizasaun refere hodi rona organizasaun refere no Konselu Fiskal konsidera nia resposta molok foti desizaun;
- 11.9 Organizasaun ne'ebe hasai tiha ona hosi membru permanente ka kandidatu tuir Artigu 11.5 to'o 11.7 iha direitu atu hala'o petisaun/rekursu ba iha Enkontru Jerál Tinan-tinan ka Enkontru Jerál Estraordináriu. Intensaun atu hala'o petisaun/rekursu tenke fo hatene liu hosi hakerek durante loron rua-nulu resin ida (21) nia laran hahú hosi loron ne'ebe Konselu Fiskal foti desizaun.
- 11.10 Konselu Fiskal bele konvoka Enkontru Jerál Estraordináriu atu rona petisaun/rekursu refere hasoru no hasai nudar membru permanente ka kandidatu, se la'e petisaun/rekursu refere bele rona iha Enkontru Jerál Estraordináriu ne'ebe konvoka hosi organizasaun membru sira ho objektivu ne'e, tuir Artigu 16.2. Bainhira petisaun/rekursu ne'e la rona iha Enkontru Jerál Estraordináriu, petisaun/rekursu ne'e tenke rona iha Enkontru Jerál Tinan-tinan tuir mai.
- 11.11. Membru permanente ka kandidatu ruma, ne'ebe mak faila atu selu quota nudar membru iha loron atus ida ualu nolu (180) nia laran hahú hosi loron ne'ebe determina ba organizasaun ne'e, sei hasai nudar membru permanente ka kandidatu FONGTIL nian.

12.7. Membru kandidatu ida sei la sura hanesan membru ho objetivu atu konvoka Enkontru Jerál Estraordináriu.

12.8. Membru kandidatu ida tenke marka prezensa hosi Diretor/a ezekutivu ka programa manajer hodi partisipa iha Enkontru Jerál Tinan-tinan ka Enkontru Jerál Estraordináriu hodi bele aprova nudar membru permanente ne'ebe fortifika iha mata-dalan asociadu nian.

Artigu 13

QUOTA MEMBRU

13.1. Enkontru Jerál Tinan-tinan bele decide montante Quota membru sira, hosi tempu ba tempu.

13.2. Quota membru nian difini iha Regulamentu, politika no prosedimentu FONGTIL Nian tuir artigu 21.2.

KAPITULU IV

ENKONTRU

Artigu 14

ENKONTRU JERÁL TINAN TINAN

14.1. Konselu Fiskal sei konvoka Enkontru Jerál Tinan tinan iha kalendáriu anual, maibe la liu hosi fulan sanulu-resin-lima (15) hafoin Enkontru Jerál anual- dahuluk.

14.2. Ajenda Enkontru Jerál tinan tinan sei inklui asuntu sira tuir mai ne'e :

- (a) Membru Konselu Fiskal prezenta rezimentu ba lalao Enkontru Jeral anual no organiza ba aprovasaun.
- (b) Apresentasaun membru kandidatu ONGs no halo Aprovasaun atu sai nudar membru permanente,se iha.
- (c) Rona petisaun ka rekursu hasoru desizaun atu hasai organizasaun ida nudar membru permanente ka nudar membru kandidatu, se iha;

- 11.12. Membru permanente ka kandidatu ida bele, iha kualkér tempu, hasai-an ka dada-an nudar membru FONGTIL nian liu hosi karta notifikasaun ba Konselu Fiskal.

Artigu 12

MEMBRU KANDIDATU

- 12.1 Membru kandidatu mak ONG lokál, nasional ka internasionál ne'ebe aplika ona atu sai nudar membru FONGTIL nian, no FONGTIL decide ona katak nia priense kriteria sai membru , maibe ninia aplikasaun seidauk aprova iha Enkontru jeral membru, Enkontru Jeral Tinan Tinan ka Extra-Ordinario.
- 12.2. ONG Internasionál ne'ebe Kandidata an atu sai membru FONGTIL la bele implementa direita programa serbisu iha baze,maibe tenki halo koperasaun serbisu ho ONG Lokal no Nasional hodi implementa Programa serbisu iha Timor Leste tuir artigu 11.4, e.
- 12.3. Atu sai membru kandidatu orgaun korporativu Nasional ka Internasionál ida sei difini iha nia rekizitus ketak no sei vizita fatin,inklui orgaun korporativu estranjeiru sei hatudu nia provas legal kona ba nia existencia iha rai orijin antes bele rejista nudar orgaun korporativu estranjeiru iha timor leste sei difini nia rekizitus ketak ne'ebe previstu ona iha dekretu lei numeru 5/2005 kona ba orgaun korporativu sira ne'ebe la hetan lukru.
- 12.4. Membru kandidatu sira la iha direitu ba vota iha Enkontru jeral membru, Enkontru Jeral tinan-tinan ka Extra-Ordinario .
- 12.5. Membru kandidatu iha ona direitu atu partisipa iha actividades FONGTIL nian hotu inklui kapasitasaun, bainhira membru kandidatu ne'e selu ona quota anual nudar membru FONGTIL nian no mos kumpri rekizitus ne'ebe hakerek iha Artigu 11.4.
- 12.6. Membru kandidatu sira la hola parte iha kuorum iha Enkontru Jerál Tinan-tinan ka Enkontru Jerál Estraordináriu ruma, to'o bainhira aprova ona nudar membru permanente iha Enkontru Jerál Tinan-tinan ka Enkontru Jerál Estraordináriu.

- (d) Apresentasaun, apresiasaun no aprovasaun ba relatóriu narativu atividades no finansas;
- (e) Apresentasaun planeamentu periudiku ne'ebe bazeia ba Matriksu Planeamentu programa ne'ebe adopta husi Konselu Fiskal, bainhira persiza.
- (f) Eleisaun membru Konselu Fiskal ba pozisaun ne'ebe mamuk.
- (g) Ajenda seluk ne'ebe propoin husi membru Konselu Fiskal ka Enkontru Jerál Tinan-tinan, Enkontru Jeral Membru ka Enkontru Jeral Extraordinariu ne'ebe prioridades no fo Konsiderasaun.

Artigo 15

ENKONTRU JERAL MEMBRU

15.1. Konselu Fiskal sei konvoka Enkontru jeral membru ne'ebe halao kada tinan lima (5)

15.2. Ajenda Enkontru jeral membru kada tinan lima ho agenda tuir mai ne'e:

- (a) - Aprovasaun membru kandidatu sira atu sai nudar membru permanente sira, se iha;
- (b) Rona petisaun ka rekursu hasoru desizaun atu hasai organizaun ida nudar membru permanente ka nudar membru kandidatu, se iha;
- (c) Apresentasaun, apresiasaun no aprovasaun ba relatóriu aktividade tinan-tinan no finansas;
- (d) Apresentasaun ba relatórius relasiona periodu planeamentu tinan-múltiplu, ne'ebe adopta ona hosi Konselu Fiskal, bainhira presiza;
- (e) Elisaun ba Prezidente da Meja no ninia estrutura tomak atu dirize lalao enkontru Jeral membru.
- (f) Eleisaun ba membru Konselu Fiskal foun ba periode tinan lima tuir mai
- (g) Aprovasaun ba Mandatu foun FONGTIL nian.

(h) Apresenta ezbosu amandementu estatuta FONGTIL no halo aprovasaun.

Artigu 16

ENKONTRU JERÁL ESTRAORDINÁRIU

Konselu Fiskal bele konvoka Enkontru Jerál Estrordináriu.

- 16.1. Organizasaun membru sira bele konvoka Enkontru Jerál Estrordináriu liu hosi aprovasaun ho membru mínimu 1/5 ho Porsentu rua nulu (20%) hosi membru FONGTIL nian tomak. Karta pedidu ba Enkontru Jerál Estrordináriu tenke hato'ó ba Konselu Fiskal ho hakerek, asina, hosi representante ida (1) hosi kada organizasaun membru ne'ebe hakarak konvoka Enkontru Jerál Estrordináriu, no tenke inklui asuntu ne'ebe organizasaun membru sira hakarak hodi diskuti ka hala'ó votasaun iha Enkontru Jerál Estrordináriu ne'e.
- 16.2. Bainhira Konselu Fiskal hetan ona karta pedidu hosi membru sira atu konvoka Enkontru Jerál Estrordináriu, Konselu Fiskal tenke, ho lalais, fo hatene ba membru sira inklui liu hosi notifikasaun ne'ebe hakerek, konaba tempu no fatin ba Enkontru Jerál Estrordináriu no asuntus ne'ebe sei diskuti ka hala'ó votasaun.
- 16.3. Korum ba Enkontru Estrordinariu tenke 50%+1 husi total membru Organizasaun permanente FONGTIL.

Artigu 17

NOTIFIKASAUN KONA BA ENKONTRU JERÁL TINAN-TINAN, ENKONTRU JERAL MEMBRU NO ENKONTRU JERAL ESTRAORDINÁRIU.

- 17.1. Notifikasaun ba Enkontru Jerál Tinan-tinan, Enkontru jeral membru no Enkontru Estrordináriu tomak tenke hakerek hodi fo-sai iha edifisiu FONGTIL nian, no bainhira iha possibilidade fo-sai liu hosi radio ka hato'ó liu hosi jornál lokál, mínimu loron ualu (8)

molok data enkontru, maibe periódu entre data notifikasaun ne'e no data enkontru la bele liu hosi loron ne'en-nulu (60).

- 17.2. Notifikasaun ba enkontru ne'e tenke hateten tempu, data no fatin enkontru, no ajénda enkontru.
- 17.3. Notifikasaun ba Enkontru Jerál Estraordináriu tenke inklui razaun konvokasaun ba enkontru.

Artigu 18

KUORUM BA ENKONTRU JERÁL TINAN-TINAN, ENKONTRU JERAL MEMBRU NO ENKONTRU JERAL ESTRAORDINÁRIU.

- 18.1 Kuorum ba Enkontru Jerál Tinan-tinan, Enkontru jeral membru no Estraordináriu tenke ho porsentu lima-nulu aumenta ida (50%+1) hosi total membru permanente FONGTIL.
- 18.2 Organizasaun membru ida-idak bele representa ho representante nain-ida deit ne'ebe autorizadu (Diretor Ezekutivu ou Konselu Fiskal) no tenke marka prezensa iha Enkontru Jerál Tinan-tinan, Enkontru Jeral Membru ka Enkontru Jerál Estra-ordináriu ne'ebe ho objetivu atu forma kuorum. Organizasaun membru ida-idak sei foti votu ida deit ne'ebe bele uza liu hosi representante autorizadu hosi organizasaun membru ne'e.

Artigu 19

FOTI DESIZAUN

- 19.1 Desizaun ne'ebe foti iha Enkontru Jerál Tinan-tinan, Enkontru Jeral Membru ka Enkontru Estraordináriu tenke ho votu maioria hosi representante membru sira ne'ebe marka prezensa iha enkontru ne'e, se la'os hanesan ne'e bainhira Estatuta hateten seluk.
- 19.2. Iha eventu ne'ebe iha votu hanesan, votu desizivu ka votu dala rua tenke fo ba Prezidente Konselu Fiskal uza nia kompetensia hodi konsulta membru Konselu Fiskal seluk iha

minutu 15 nia laran molok presidente foti desizaun iha Enkontru Jerál Tinan-tinan, Enkontru jeral membru ka Enkontru Jerál Estraordináriu.

- 19.3. Desizaun tomak ne'ebe halo iha Enkontru Jerál Tinan-tinan, Enkontru jeral membru no Enkontru Jerál Estraordináriu tenke hakerek no asina Akta molok enkontru ne'e remata, hosi ema ne'ebe autorizadu hosi enkontru ba objektivu ne'e.

KAPITULU V

PROPRIEDADE NO ORSAMENTU

Artigo 20

PROPRIEDADE

- 20.1. Propriedades FONGTIL mak hanesan movel no imovel.
- 20.2. Utilizasaun Propriedades movel no imovel regula iha Manual operacional logistika.

Artigo 21.

ORSAMENTU NO TINAN FISKAL.

- 21.1. Fundus FONGTIL mai husi pagamentu quota anual hosi membru FONGTIL, kontribuisaun hosi parseiro doadores no arendamentu propiedades.
- 21.2. Mekanismu atu selu Kuota membru nia sei iha konta Bankaria ketak ne'ebe difini iha Padraun Manual finansas tuir artigu 22.2.
- 21.3. Fundus FONGTIL sei utiliza deit ba nesisidades Organizasaun nian hodi atinji nia Visaun, Misaun no Objektivu FONGTIL ninian.
- 21.4. Tinan fiskal FONGTIL define tuir poitika parseiriu doadores sira.
- 21.5. Rendementu seluk ne'ebe FONGTIL hetan liu hosi meus ne'ebe legal no positivu mak Fundraising.

fe

Artigu 22

KONTROLA UZA FUNDUS NO PROPRIEADADES

- 22.1 Konselu Fiskal, liu hosi nia Tezoureiru/a no Diretor/a Ezekutivu, tenke rai livrus kontas ho lo-los no siguru.
- 22.2 Fundus tomak ne'ebe simu ka hodi naran FONGTIL tenke deposita kedas ba iha FONGTIL nia konta bankaria.
- 22.3 Sek bankaria no nota hasai osan hosi konta bankaria FONGTIL nian tomak, tenke hetan asinatura hosi mínimu ema nain rua (2) ne'ebe hetan konesimentu hosi rezulusaun Konselu Fiskal.
- 22.4 Rendimentus, propiedades no rikusoins FONGTIL nian hotu tenke aplika deit ba asuntu ne'ebe mak bele atinji objetivu FONGTIL nian.
- 22.5 Rendimentu, propriedade ka rikusoin FONGTIL nian sei la selu ka transfere direita ka indireita ba organizasaun membru ruma, membru Konselu Fiskal, empregadu, voluntáriu, konsultan ka kontraktor FONGTIL nian. eseptu bele preve'e ba pagamentu remunerasaun ne'ebe razoável ba servisu ka gastu, vensimentu ka saláriu tuir kontraktu empregadu, kontraktu seluk ka regulamentu FONGTIL nian.
- 22.6 Pagamentu ruma hosi organizasaun membru ida, membru Konselu Fiskal, voluntáriu, konsultan ka kontraktor FONGTIL nian, la inklui vensimentu ka saláriu ne'ebe selu ba empregadu FONGTIL nian ida tuir kontratu serbisu, maibe persiza husu aprovasaun hosi Diretór/a Ezekutivu, kuandu hosi Konselu Fiskal iha kazu pagamentu ida ba Diretór/a Ezekutivu ka fursionariu Sekretariadu Fongtil nian ida.
- 22.7 FONGTIL bele kria regulamentu ka polítikas hodi hatu'ur kona ba pagamentu, la inklui vensimentus ka saláriu ne'ebe selu ba empregadu FONGTIL nian ida tuir kontratu serbisu, bele aprova hosi Diretór/a Ezekutivu ho koinesementu husi Konselu Fiskal.

ka

Artigu 23

KARIMBU FONGTIL NIAN

- 23.1 Sekretáriadu FONGTIL sei responsável ba Karimbu FONGTIL nian.
- 23.2 Se iha mudansa ba karimbu FONGTIL husi Ezekutivu tenke hetan aprovasaun husi Konselu Fiskal FONGTIL.

Artigu 24

AMENDAMENTU BA ESTATUTA

- 24.1 Estatuta FONGTIL nian bele amenda deit liu hosi desizaun Enkontru Jerál Membru nian ka Enkontru Jeral Estraordináriu, maibe bele autoriza mos iha Enkontru Jeral Tinan Tinan bainhira rekomenda ho akta desizaun hosi Enkontru Jeral Membru nian ne'ebe konvoka ho objetivu ida ne'e.
- 24.2 Atu halo amandamentu ba Estatuta tenke iha aprovasaun mínimu porsentu hitu-nulu resin lima (75%) hosi total reprezentante membru permanente sira ne'ebe marka prezensa iha Enkontru Jerál ne'ebe konvoka ba objetivu ne'e.
- 24.3 Ezekutivu bele apresenta artigu asosiasaun ne'ebe la relevante ona ka aumenta artigu asosiasaun ne'ebe persiza halo revizaun no nesesita ba organizasaun, bele hato'o ba Konselu Fiskal hodi halo amenda ba ESTATUTA FONGTIL nian, no apresenta ba iha Enkontru Jeral Membru ka Enkontru Jeral Tinan-tinan ka Estraordinariu hodi husu aprovasaun hosi membru asociadu sira.

Artigu 25

DIZOLVE FONGTIL

- 25.1 Bele foti desizaun atu dizolve FONGTIL se decide katak FONGTIL la iha komitmentu ba nia vizaun, la konsege hala'o serbisu tuir nia misaun, ka la konsege realiza nia actividades tuir prinsípius ne'ebe hatu'ur iha Estatuta ne'e.
- 25.2 Desizaun atu dizolve FONGTIL bele halo deit iha Enkontru Jerál Tinan-tinan,ka Enkontru jeral membru ka iha Enkontru Estraordináriu ne'ebe konvoka ba objetivu ne'e.
- 25.3 Atu halo desizaun hodi dizolve FONGTIL tenke iha aprovasaun mínimu porsentu hitu-nulu resin lima (75%) hosi reprezentante membru permanente sira ne'ebe marka prezensa iha Enkontru Jerál tinan-tinan, ka Enkontru jeral membru ka Enkontru Estraordináriu ne'ebe konvoka ba objetivu ne'e.
- 25.4 Iha eventu foti desizaun atu dizolve FONGTIL, rikusoin hotu so bele distribui deit ba ONGs seluk iha Timor-Leste laran ne'ebe ho tarjetus no objetivu ne'ebe hanesan ho FONGTIL nian, tuir Dekretu Lei número 05/2005.
- 25.5 Bainhira praktikável, desizaun tomak relasiona ho distribuisaun rikusoin tenke halo iha Enkontru Jerál Tinan-tinan ka Enkontru Jeral Membru ka Enkontru Estraordináriu. Membru Konselu Fiskal hotu sei simu karta notifikasaun konaba desizaun tomak relasiona distribusaun rikusoin.

Artigu 26

DATA ESTATUTA HAHU APLIKA

26.1 Estatuta ne'e sei hahu aplika iha lora ne'ebe hetan aprovasaun, hafoin hahu hosi data ne'ebe determina iha Enkontru Jerál Tinan-tinan ka Enkontru jeral membru ka Enkontru Estraordináriu.

26.2 Estatuta ne'e hetan ona amendamentu no aprovasaun iha Enkontru jeral membru nian iha lora 22 fulan 11 tinan 2018, no sei hahu aplika.

iha lora 22, fulan NOVEMBRU tinan 2018

ASINATURA HUSI KONSELU FISKAL FONGTIL

1. Holio Dias Da Silva 
2. BONIFACIO SERENO RANALHO 
3. ELISABETH LINDO DE ARAUJO 
4. Moises charles 
5. Gaspar Afonso 
6. JULIANA DE JESUS 
7. Paula de Corte Real Araujo 